

بالمدماع والمواجع جيت واصرخ يا حسين

بيدك انتة أمري يا مناي وعمري

ماتمك داري جئتني وناري

آنه عبدك والـ خدمتك من صفر سني

روحي مأسوره بحرگة مجموره

دمعتي تشهد عليه الـ تسكن بجفني

ابها العمر زادي وغايه أمرادي

آمنت بيك وأبد ما خيبث ظني

عايش بخيرك من إلي غيرك

يللي عاشورك دفا وباحضانه يشماني

خذني يا ابو اليمه والزم چفي للموت وادري الـ يمشي بطريقك والله مبخوت

امن المهد حتى يحملوني أعلى تابوت نادر أنفاسي الك والزفرة والصوت

رايد أمن اتراب گبرك زادي وي آخر نفس

ورايد بنظره تضوي قبوري وتصيرن قبس

وخل دموعي تجري يا مناي وعمري

بالمدمع والمواجه جيت واصرخ يا حسين

بيدك انتة أمري يا مناي وعمري

انصب اخيامي بحرقة الآمي

ومثل زينب أفزعن من شوفة العسكر

نظرة أعيونني تلهب اظنوني

تمشي يم أجساد خان الوفا وتعثر

وانظر ايتامك داخل اخيامك

والعطش فطر مهجها وذابت امن الحر

حائر تنادي بگلبيك الصادي

ايعز علي بكرىلا بلا ناصر امحير

تصرخ بلوعة ألم وأمفطر أقاد رايد أنزل للحريبة بساعة أطراد
ياهو الـ يسرج إلي ويقدم أجواد وبس صدى صوتك تسمعه وصحبك أبعاد

وزينب الحوره الغريبه لفت والمدمع هتون

ياهو مثالي يابو سكنه أيقدم الجام المنون

ياهو عنده صبري يا مناي وعمري

بالمدامع والمواجع جيت واصرخ يا حسين

بيدك انتة أمري يا مناي وعمري

ومثل عباسك الجرح احساسك

خلني يم شاطي النهر واسهامي في عيني

بلايا ذرعاني جروفه تبراني

وصوبي تنزف غربتي بحسرة تواسيني

راسي امهتتم والدمما زمزم

انبترت الجف اليسار انبرت ايميني

حاضن الرايه والنهر مايه

يصفع اجروف الفرات وصوته يآذيني

ما اقدر اتخيل اشوفك يمه مكسور منحني ظهرك عليه وعينك اتدور

خل اشياك للخيم يا كعبة النور ما اقبل اعذارك يخويه منته معذور

تسمع العباس ايتتم والحزن بيه ارتسم

واعدت سكنه وخجاله والله أرجع للخيم

تدري خويه تدري يا مناي وعمري

بالمدماع والمواجع جيت واصرخ يا حسين

بيدك انتة أمري يا مناي وعمري

حزنى من ليلى ياهو ايشيله

لما شافت خيل لكبر يمم العدوان

وظلت اتعاتب والغلب لاهب

ليش يا مهر الكدر ما جبته لاصيون

ما أظن ناسي شيبت راسي

وتعرف إحساس الأمومه ونبضة الشريان

تعوفه بالحومه وناري مضرومه

شلون غابك طاوعك تترك گمر عدنان

أعتب اعليك وملامي أدري جارح شلون حالة والده شفت الملامح؟

لمن اهوى فوگ جسمه ودمعه سافح وظل ينعي أوليده والههم سيله طافح

شفته للخيمات لمن عاد منحي الظهر؟

وآني مذهولة طلعت وصرختي أتفت الصخر

شل يظفي جمري يا مناي وعمري

بالمدماع والمواجع جيت واصرخ يا حسين

بيدك انتة أمري يا مناي وعمري

بليلة احد عشر ونتي محشر

والمشاهد في خيالي تلهب الخاطر

خيمه تتلاهب نسوه تتهارب

تعثر بذيل المصيبة والغلب حاير

تلفي العدوان تنهب الصيوان

والعليل بخيمته متحسب وصابر

تحرسه زينب والدمع ينصب

والله محتاره بأمرها والجفن ساهر

وچني بيها طلعت اتدور صغيره وشافت الطفله على الجثه العفيره

تفرش امصلاته وتنادي بكسيره انهض وكلمني يا شيخ العشيره

ما ادوگ الماي حاشى وناظره ايبلل حشاك

لو اموت اوياك ما أرضى على لحظة جفاك

خل راسك في جري يا مناي وعمري